



62273/B

MEDICAL SOCIETY  
OF LONDON



ACCESSION NUMBER

PRESS MARK

CLINCH, W.



Digitized by the Internet Archive  
in 2019 with funding from  
Wellcome Library

<https://archive.org/details/b30519068>



# HISTORIÆ MEDICAE.

Certè ægrotantium Historiæ figillatim enarratæ, si cum fide & judicio pertractentur, id commodi habent, ut minutissima quæque morbi discrimina, in quibus internoscendis maximè perspicitur Medici acumen, ob oculos nobis dilucidè ponant, certamque medendi rationem, quasi digito commonstrent. *Freind.*

---

Authore GULIELMO CLINCH, M. D.

---



L O N D I N I:

Impensis Johannis Clarke ad Excambium Regale.

M.DCC.XXXIII.





Doctissimo Viro

*Job. Skelton Medico Ledenſi*

*Gul. Clinch Eboracenſis S. D.*

CUM æſtate proxime  
 elapſa tecum, vir hu-  
 maniſſime, in eo oppido quo  
 diu ſumma cum tua laude me-  
 dicinam feciſti, conſilia me-  
 dica miſcerem, non potui quin  
 laudarem fortunas meas, quod  
 tunc temporis neceſſitudinem  
 amicitiamque tuam amplec-  
 tendi mihi data eſſet occaſio:  
 Ecquid enim mihi magis fo-  
 ret optandum, quam ut vi-  
 rum vitæ integerrimum, me-  
 dendi



## 4 DEDICATIO.

dendi scientia instructissimum, in ancipiti periculosoque casu haberem consiliorum adiutorem? Ubicunque enim præcipit præclari nominis medicus, si quid aliquando minus prospere inciderit, ut ægrotantium perquam lubrica est res, id ita accidisse, nec minus recte, judicant homines; non quod morbum curare nesciverit medicus, sed quod is ipse nulla ope medica curari potuit.

Vellem quidem omnes, qui in hac nostra Britannia medicinæ operam dant, eandem, quam tu, studiorum rationem inirent, nec, quod hodie nimium multis fit, ad exteras regiones



## DEDICATIO. 5

regiones eas artes & disciplinas discendi gratia se reciperent, quæ domi in nostris Academicis melius traduntur. Ecquis autem horum hominum frugalitatem incuset? qui intra unius aut alterius anni spatium magni nominis doctores ad patriam suam remigrant, cum nostræ Athenæ neminem medicinam facere sinant, qui non plures annos acri & assiduo studio consumpserit. Quis non potius eorum hominum stultitiam miratur? qui in cæteris rebus ita omnino sunt solliciti, ut nec futor ocreas, aut sartor tunicam conficere eum patiantur, qui in arte sua ediscenda haud

## 6 DEDICATIO.

totum septennium sudaverit ;  
valetudinis autem curam uni-  
us anni Medicis imperitis &  
indoctis sæpius committunt.  
Tu tamen, vir amicissime, qui  
prima istius, quam profiteris,  
artis elementa apud Canta-  
brigienfes hausisti, nostras A-  
cademias artium omnium ac  
scientiarum feracissimas co-  
lere & amare pergas, nec pub-  
licum hoc mei erga te officii  
testimonium accipere dedig-  
neris.

*Vale.*

LEC



## LECTORI salutem.

**U**T Grammaticorum nemo artis  
 suæ regulas sine exemplis ap-  
 te potest explicare, ita ne-  
 que Medicus praxeos suæ rationem  
 sine particularibus observationibus di-  
 lucide queat exponere. Igitur utilis  
 omnino ea mihi videtur scribendi ra-  
 tio, quam in Phthysiologia sua tenuit  
 Mortonus, qui nuda morbi descrip-  
 tione parum contentus unicuique tabis  
 speciei unam aut alteram historiam  
 subjungit, in qua medendi methodum  
 perspicue & quasi digito commonstrat.  
 Id quidem vere mihi videor esse dictu-  
 rus, plus cognitionis ad morborum cu-  
 rationem paucis ægrotantium historiis  
 bene & fideliter enarratis nos posse  
 assequi, quam multis voluminibus,  
 quæ supervacua pulsuum distinctione,  
 inepta symptomatum ratione, aut va-  
 riis præscriptorum formulis, quibus  
 plerumque

plerumque intumescunt Medicorum scripta, refarciuntur. Hanc itaque Hippocrates Epidemiorum libris scribendi viam persecutus est, hanc unusquisque qui lectoribus prodesse simul & delectare velit, persequatur necesse est. Nollem tamen, quæ hic dicta sunt, ita accipi, quasi existimarem, pulsuum aut morborum symptomatum peritiam ad scientiam medicam parum referre; e contra qui de his minus recte judicat, medendi arte parum proficiet. Id tantum affirmo quod multiplex ea pulsuum & symptomatum divisio, quæ in recentiorum scriptis vulgo occurrit, Medicinæ studiosos adeo parum juvet, ut potius in errorem agat. Minus adhuc legentibus eorum proderunt scripta, quæ in theorematibus & commentis fictitiis versantur; speciosæ enim utcunque sint, quæ ex philosophicis principiis deducuntur hypotheses, ipsæ tamen, cum ad morborum curationem adhibentur, adeo non medentem dirigunt,  
ut



*ut etiam fallant: In ægrotantium vero historiis multo aliter se res habet; ibi enim non modo singulas morbi mutationes quasi præsentis intuemur, verum etiam quo medicinæ genere in ejus curatione utendum sit, perdiscimus.*

*Plerique Medicorum in ægrotantium casibus describendis, temporis quidem multum, operæ verò & laboris parum consumpserunt; etenim in morbis acutis ægritudinum momenta de die in diem rarò aut nunquam exhibent, quæ ut penitus pernoscantur omnino est necesse, quo melius suo quæque tempore reperiantur expedianturque remedia. Medicamenta, quibus ad tollendos morbos usi sunt, ubique fere recensent; notas autem morborum, alias obscurè explicant, alias ex toto prætereunt, ita ut cur hoc potius quam illud medicinæ genus adhiberent, haud dignoscere omnino valeat lector: Hos autem recentiorum errores facillime perspexit vir & ingenio*

## IO PRÆFATIO.

¶ *Eruditione, dum viveret, longe præstantissimus Johannes Freind, qui veterum vestigiis insistens meliorem tum scribendi tum medendi viam monstravit; ¶ ut is ipse clarorum virorum ingeniis, maximeque antiquissimi Hippocratis multum fuit adjutus, ita posterorum quenquam ab illo adjuvari haud erit inglorium.*

*Non nimium multæ sunt quæ sequentibus paginulis Ægrotorum depinguntur historiæ; neque enim æquum esse censeo, lectorem aliter forsân satis occupatum longius demorari, præsertim cum in medicina perinde ac in cæteris artibus unum aut alterum exemplar perito sufficit artifici.*

*Siquid ego ad communem Ægrotantium rem per has observationes contuli, scribendi propositum sum assecutus; sin minus, ingenii facultatem non voluntatem defuisse mihi intelligas.*

Datum Eboraci  
29. Sept. 1732.



# Historia Prima.

**A**NNO 1729. mense Maii, virum sexagenarium, peranti-quâ familiâ in agro Eboracensi oriundum, invasit affectio spasmodica, in qua nervi musculique versus suam originem ita omnino præter voluntatem convellebantur, ut membra in debito situ & quiete haud unquam continere potuerit. Brachia manusque huc illuc mirum in modum agitabantur; crura & pedes vicissim divaricare, mutuò concutere, & alternatim transponere necesse habuit; idque illi in cathedra sedenti, vel in lecto decumbenti, nisi dormienti, continuò accidere solebat. Incipientis paroxysmi hæ fere aderant notæ; capitis nutatio, & ad somnum proclivitas, quæ symptomata vehementissimæ totius corporis succussiones & huc illuc deflexiones excipiebant;

bant; & veluti chorda musica in uno extremo percussa ad alterum usque vibrat, ita in hoc casu nervorum in cerebro principia à morbida materia irritata eorundem contractiones motusque convulsivos per integrum corpus fecerunt.

In initio morbi, sanguinis missione, emetico, leni purgatione, aliisque quæ malum tollerent, aut saltem minuèrent, ægro opitulari conabatur vir rei medicæ experientissimus *Henricus Johnson*. Cùm post aliquot dies ego ad ægrotum accerserem, ut cum viro egregio sociam navarem operam, unanimi consilio sic præscriptum est.

℞ *Tinctur. sacr. cum duplic. quantitat. specier. in vin. alb. ppt. ℥v. elix. salut. ℥j. m. f. Tinctura laxativa, de qua sumat cochlearia ij quartâ quaque nocte, horâ decubitûs, dosin augendo pro re nata.*

℞. *Pulv. ad. Guttet. 3℞. Castor. pulv. gr. vj. Syrup. Pæon. q. s. m. f. Bolus*



*Bolus 6tâ quaq; horâ sumendus; super-  
bibendo cochlearia iv. Julap. sequentis  
diebus à purgatione liberis.*

*℞. Aq. Lact. alexiter. Ceras. nig. ana.  
℥iv. Aq. Pæon. C. ℥iij. Syrup. Pæ-  
on. ℥j. m. f. Julapium.*

Sed cùm hæc parum aut nihil profi-  
cerent, si quid auxilii à vesicantium  
stimulo afferri potuerit tentare de-  
crevimus. Duo itaque vesicatoria ti-  
biis internis sunt admota, haustum-  
que sequentem omni nocte horâ som-  
ni sumpsit;

*℞. Rad. Valerian. sylvestr. ℥j. Aq.  
Ceras. nig. Rut. ana. ℥jss. Tinctur.  
Castor. ℥j. Syrup. Pæon. ℥ij. m.  
f. Haustus.*

At ne sic quidem lenitur malum;  
quare cùm inter nos seriò sermonem  
haberemus, quâ potissimùm meden-  
di viâ in difficili hoc casu ulterius  
procedendum esset, corticis Peruvi-  
ani mentionem feci, dixique, fieri  
forſan

forſan poſſe, ut idem unâ cum aliis medicamentis antipaſmodicis adhibitus prodeſſet: ſed cùm hujusmodi vitia à fibrarum contractione oriri, per aſtringentia proinde, cujuſmodi erat cortex Peruvianus, ingraveſcere diſputaret vir experientiſſimus, omnem de ea re diſceptationem tunc temporis miſſam fecimus; & in uſu boli antipaſmodici cum infuſo viſci quercini aliisque id genus remediis aliquamdiu perſtitit ægrotus: & quia malum à cerebro naſci viſum eſt, fontanellæ, quæ morbi fomitem intercipiendo & evacuando ad curationem conducerent, in dorſo excitabantur; veſicantia enim tum nuchæ tum cruribus hætenus ſine fructu adhibita. Sed cùm hæc cæteraque fere omnia, quæ nervorum vitiis adhiberi ſolent, fruſtra eſſemus experti, de cortice Peruviano iterum ſermonem intuli; & quoniam nuper ſub veſperi quaſi periodicè rediiſſent ſpaſmi, & urinæ ſedimenti multum depoſuerant,

ut,



ut, quid posset idem, periculum faceremus, proposui, præsertim cùm jam symptomata ejus usui aliquantulum favere viderentur ; quare annuente viro egregio sic præscripsi.

℞. Cort. Peruv. pulv. ʒj. pulv. ad Guttet. gr. xv. Cinnab. nativ. gr. vj. Castor. Russens. gr. ij. Syrup. Pæon. q. s. m. f. Bolus ter in die sumendus.

℞. Aq. Ceras. nig. ʒvj. Pulæg. Pæon. C. ana. ʒj. Tinct. Castor. ʒij. Syrup. Pæon. ʒvj. m. f. Fulap. cum bolis, & in languoribus sumend.

Sed ne hæc quidem succurrebant: tandem ne stomachus, qui tum cibum tum medicamenta jam fastidire inceperat, imbecillior fieret, ægro consulimus, ut pro tempore ab omni medicina temperaret, & vomitionem semel aut bis in septimana cum aqua carduata provocaret; unde rediit cibi cupiditas, & aliquantulum resectæ sunt vires; motus tamen convulsivi,

sed haud ita graves aut frequentes  
 perstiterere : quare cum nullus jam  
 amplius medicinæ locus esse videretur,  
 ad thermas calidas Buxtonenses,  
 (ad Bathonienses peregrinari impo-  
 tens) nostro consilio profectus est,  
 earumque aquis hauriendo pariter &  
 lavando usus est; unde post mensem  
 ad Eboracum redux meliuscule se  
 habuit: nihilominus nervorum con-  
 tractiones adhuc permansere. Non  
 longo vero post in febrem putridam  
 cum tussi convulsiva conjunctam in-  
 cidit, à qua nostro auxilio, sed non  
 sine summo vitæ discrimine, conva-  
 lescebat, affectioque spasmodica, quæ  
 omnem medicinæ opem diu eluserat,  
 decedente febre, decessit. Hæ verò  
 morbi induciæ nimis erant breves;  
 post aliquot enim septimanas redie-  
 runt spasmi, ægrotantem, ad extre-  
 mum vitæ terminum, ni fallor, ex-  
 agitaturi.



## Historia Secunda.

**S**UB initio autumnii domina *Watkinson* vidua quinquagenaria dolore nephritico à renum calculo cœpit laborare, qui intra paucos dies urinæ suppressionem intulit; ægrotae curam habuit vir doctissimus *Cliftonus Winteringham*, qui, cæteris minùs ad spem respondentibus, lapidis expulsionem promoveri posse, si grana aliquot calomelanos cum medicamentis diureticis adhiberentur, prudenter judicabat: Cùm ego primum accessi, ut cum viro doctissimo decumbentis valetudini unà consulerem, nullam omnino urinam per octo dies reddiderat ægrota, & quod hujusmodi casibus perfrequens est, penè inexpugnabilis aderat dormiendi necessitas; quare in his ferè desperatis ægrotae rebus, vesicatoria tria nuchæ &

C

brachiis

brachiis internis adhiberi, & calomelanos iterationem præcepimus, unde ter fusa est alvus, neque tanta aderat ad somnum proclivitas, adhuc tamen urinæ restiterunt; mane proximo altera duo vesicatoria cruribus internis applicabantur, & vesperi eadem ut priùs adhibita est medicina cathartica, unde alvus modico cruore perfusa quinquies defecit: at jam demum post undecim dies profluxit denuo urina, & die subsequenti, lapide ad fabæ magnitudinem excluso, ægra convaluit.

Infinita penè sunt quæ in scriptis Medicorum contra calculum inveniuntur remedia, & ut quisque suorum vires supra modum extollit, mendicantis animus ex ingenti hac medicamentorum farragine adeo plerumque impeditur, ut, quo potissimum uti debet, omnino nesciat; cùm si unum aut alterum ex efficacioribus modò indicarent, decumbentis saluti



plus consulerent, morborum quippe curationes non tam à remediorum numero, quàm à prudenti eorundem adhibitione pendent.

Inter Recentiores primus, uti arbitror, qui mercurium dulcem ad urinæ difficultatem præcepit, fuit *Et-mullerus*; circa idem tempus eandem medicinam ad renum morbos adhibuit famæ commendatioris vir *Nicolaus Chesneau*: neque fanè si peritè adhibetur, vix ullum in hujusmodi affectibus efficacius excogitari potest remedium. Nemo verò Medicorum, quòd scio, si unum *Riverii Reformati* editorem excipias, vesicantium ad ciendas urinas meminit, neque is quidem, nisi perfunctoriè, & quasi raptim eorum inter alia mentionem facit, quod eo magis mirandum, quo quisque cantharidum vires ad movendas urinas, si introsumantur, intelligit. Nec si vesicantia, quod aliquando fit, dysuriam inferant, ideone ab eorum usu debemus temperare, quo-

ties rei necessitas exigit<sup>a</sup>. Quomodo verò ad renum morbos applicari possunt cantharides alibi explicavi. Non abs re fore judicavi, si hoc in loco historiam dominæ *Harland*, utpote istæ quam modò retuli maximè affinem, attexerem. Illa quidem per plures annos renum calculo laboraverat; jam verò paulo antequam ad eam accerferer, nulla ferè elapsa est septimana in qua lapillos non excerneret; tandem urinæ restiterunt, ita ut per quinque dies ne guttulam quidem redderet: quare ut hoc malum quàm citissime discuterem, decem guttas tincturæ cantharidum ex haustulo emulsionis communis ad duas vel tres vices sumendas præcepi; has verò guttulas bis solummodo sumpserat, cùm libere satis profluxerint urinæ, & non multo post tres lapillos calculi grandioris portiunculas excrevit. Tinc-

<sup>a</sup> *Vid. Commentariolum de usu idoneo Vesicantium, ad calcem novæ editionis Ruffi Ephesii.*



turam hanc, quoniam à vulgaribus hujusmodi formulis aliquantulum differt, hìc loci describere haud alienum esse judicavi.

*R. Cantharid. præparat. ℥iij. Ocul. Cancr. Pulv. sem. Amios. ana ℥ss. Sal. prunel. ℥iij. Infunde in spiritu vin. rectificat. Camphorat. ℥iij. ut fiat Tinctura.*

Anno subsequente huic ægrotæ urinæ itinera à renum calculo denuo impediiebantur, nec ullâ ope medicinæ expediri potuerunt, quæ proinde decimo nono morbi die vitam efflavit.

Historia

## Historia Tertia.

**F**ilium domini *Emanuelis Stabler* civis Eboracensis, puerum undecennem, prædurus in utroque genu & manuum carpis, sine sensu, sine dolore afflixit tumor, in nodos quosdam & tubera degenerans, unde genubus tanta inerat imbecillitas, vespri præsertim, ut neque incedere, neque pedibus omnino stare potuerit; continua insuper tussis eum ita exercebat, ut noctes ferè insomnis ageret: ut igitur tussim, quæ vehementissimè urgebat, tabemque minabatur, quàm maximè sublevarem, atque etiam tumoribus, qui à malo habitu nasci & strumarum naturam induere videbantur, simul prospicerem, electuarium ex conserva rosarum, ocul. cancror. corall. rub. & æthiop. mineral. confectum bis in die cum lacte asinino imperavi; noctu linctus, qui tussis  
vehe-



vehementiam minueret, quietemque aliquam conciliaret, adhibitus est : horum usu ad duas vel tres septimanas perstitit ægrotus, unde mitescebat tussis, viresque paulatim instaurabantur ; tumores verò nil quicquam ex duritie remiserunt. Quare fontanellam in brachio excitandam, atque aliquot guttas *Balsami Polychrestii* è cochleari syrapi cariophyllorum horâ decubitûs sumendas præcepi ; quæ quidem intra exiguum temporis spatium supra spem respondebant : is enim, qui ancillæ brachiis prius ad lectum portari solebat, jam solus sine ullo adminiculo, tumoribus sensim minuentibus, gradus potuit ascendere, hodieque absque alia medicina integra utitur valetudine. Hoc sanè balsamo plerisque in casibus vix aliud utilius excogitari potest remedium : Gummi quidem guaiaci, ex quo conficitur balsamum polychrestum, Recentioribus ita parum innotuit, ut *Fredericus Hoffmannus*, qui  
in



in annotationibus suis in Pharmacopœam Schrodærianam virtutes ligni guaiaci in curatione luis venereæ pleno ore laudat, gummi raro adhiberi scribit; & quod magis mirandum recentioris Pharmacopœæ editor *Johannes Quincey*, qui in virtutibus medicamentorum explicandis plerumque satis copiosus est, gummi hujus non nisi perfunctoriè nimis mentionem facit; id autem ab eo forsitan consultò fit, quippe quod vires ejus in morborum curatione alibi satis explicat: & sine dubio quisquis hanc medicinam ad dolores arthriticos, rheumaticos, ischiadicos, quacunque demum corporis parte fuerint fixi, cum judicio adhibet, ægroti spem rarò decipiet.

<sup>a</sup> *Vid. Pharmacop. Quintian. Balsam. Polychrest.*

Historia

## Historia Quarta.

**S**Ecundo die Julii anno 1728. filiam reverendi admodum viri *Samuelis Breary* S.T.P. & ecclesiæ sancti Petri Eboracensis canonici, octodecim annorum virginem, febris, cum ingenti capitis dolore, æstu, & siti, corripuit: tertio vesperi cum primùm accessi, sanguinem detrahi, & vesicatorium nuchæ admo-  
veri jussi; pulveres etiam cardiacos mitiores, cum julapio, qui ferventes succos temperarent, sumendos præscripsi.

Quarto, omnia ferè eadem; nisi quòd sanguinis missione paululum fuerit lenitus capitis dolor, vesicatorium enim parum profecerat.

Quinto, ab astantibus intellexi fluentem alvum ægrotam exercuisse; idque à medicina quam adhibueram exoriri judicantibus responsum est,

D

eos,



eos, quos sumebat pulveres, ventrem  
 solutum reprimere posse, compressum  
 verò nequaquam solvere. Huic ta-  
 men malo ut mèlius occurreretur,  
 mixtura astringens & decoctum al-  
 bum pro potu communi imperata est,  
 unde alvi profluvium aliquantulum  
 est cohibitum, quod tamen nihilo-  
 minus post aliquot horas rediit. Cùm  
 verò haud multo post pharmacopolæ  
 de cubantis valetudine à me quæren-  
 ti dixissem, me ex hac frequenti de-  
 jectione alvi nil boni expectare, re-  
 spondebat is, rhabarbarum, quod ad-  
 hibendum præscripseram, posse for-  
 sitan alvum ducere; qua re haud le-  
 viter commotus, cùm nullum omni-  
 no præcepissem, utpote quod à cu-  
 randi scopo maximè esset alienum,  
 præscriptum à filo desumptum inspi-  
 cere volui, in quo ne granum quidem  
 rhabarbari, nec cujusvis alius rei quæ  
 purgaret, est imperatum; sexies ta-  
 men aut amplius purgantia hauserat  
 ægrota priusquam egregium hunc er-  
 rorem

rorem detexeram. Hujusmodi autem lapsus, si in homine quovis, in septuagenario forsitan est condonandus.

Hinc igitur vires decumbentis vehementer fractæ, & urina, quæ hactenus largiter deposuerat, jam pallidior facta, nil quicquam demisit; alvus quidem restringentibus coactior, haud penitus tamen suppressa.

Sexto, febris, multa cum corporis jactatione, acuebatur; somnus brevis & interruptus; pulsus velox & incitatus: quare vesicantia carpis erant admota.

Septimo, febris vehementer excaudit, invasitque delirium; aliqua etiam spirandi fuit molestia. Cùm verò tenuiore paulo habitu fuerit ægra, dejectionesque sub morbi initio vires plurimum debilitassent, sanguinem iterum hoc morbi tempore vix tutò detrahendum judicavi; quare cardiacis moderatis uti perstitit, & aliquando guttas aliquot spiritûs cor-



nu cervi ad reficiendas vires sumfit; vesicantia etiam cruribus adhibita.

Octavo, idem ferè ut pridie rerum status. Multùm deliravit; in urina nihil depositum: vesicantia tamen optimè responderant.

Nono, cùm adhuc in deterius itum esset, & ex pallido urinarum colore, suberat metus ne subsultus tendinum ægrotantem invaderet, bolis cardiacis castoreum adjeci, & vesperi applicata subter axillas vesicatoria.

Decimo, nulla vel symptomatum vel medicamentorum mutatio: vesicantia verò suas partes bene egerant.

Undecimo, venter exolutus novas molestias creavit; quare quæ vires refocillarent, fluentemque alvum cohiberent, adhibita.

Duodecimo, omnia in pejus ruabant, pulsus omnino ferè nullus; partes extremæ frigidiores: febris tamen adhuc, cum mentis alienatione maxima, inhæsit; ita ut plurimùm dubitandum num huic diei esset superfutura.

perfutura. In hoc igitur rerum statu, tantum non deplorato, quoniam vesicantia hætenus optatissimè respondissent, altera duo femoribus internis aptabantur, & columbæ per medias dissectæ plantis pedum applicabantur; bolum etiam ex lapide contrayervæ, sale volatili, cornu cervi, & castoreo confectum, exhibui. Hinc,

Decimo tertio, melior rerum facies, pulsus invaluit, febris paululum est tenuata; mentis tamen error haud quicquam remisit, licèt vesicantia, in quibus omnem ferè salutis spem posueram, humores copiosè fatis elicuissent: quare hodie, & sequenti bi-duo, eadem sumsit remedia.

Decimo sexto, cùm jam res in melius cederet, inclinatâ quidem febre, sed adhuc tamen inhærente, eadem remedia, uti priùs, erant adhibita; nisi quòd à bolo salem volatilem cornu cervi detraxerim.



Decimo septimo, & decimo octavo, idem ferè rerum omnium tenor; continua enim febris habet tempora, quibus etsi non remittit, non tamen crescit: quare eâdem adhuc usa est medicinâ.

Decimo nono, manè alvus quinquies intra bihorium sponte descendit; virium inde contrahitur imbecillitas: quare quæ & ventris fluorem cohiberent, viresque reficerent, imperata. Quoniam verò neque adhuc quicquam remiserat delirium, vesicatoria utrique lateri cervicis adhibita, & vesperi haustum cum diacodio sumfit, unde quies aliquantulum pacatior. Sunt quibus in hoc casu hanc medicinam ferò nimis adhibere videar. Hic verò *Sydenhamum*, qui in omnibus naturam diligentissimè secutus est, ducem habui; qui & fideli atque idoneo observationum plurimarum complexu rem ipsam certissimam esse pronuntiat, *Laudanum*, vel alia quævis narcotica in principio, aug-

augmento, vel statu hujus febris ad symptomata hoc levandum, vel non prodesse omnino, vel, quod sæpe accidit, etiam obesse: verùm in morbi declinatione opiata in mediocri dosi adhibita non sine successu usurpari.

Vicesimo, cùm febris plurimùm tenuaretur, nondum tamen ex toto conquiesceret, medicinam paulo calidiorẽ præcepi, tum ut vires refo-cillarem, tum & morbi reliquias penitus extinguerem.

Vicesimo primo, pridie præscriptis perstitit.

Vicesimo secundo, à febre penitus liberata convaluit; morbi tamen impetus in cerebrum adeò sævierat, ut mentis impotentia, quod haud vulgare est, per aliquot dies remanserit, postquam febris integrum corpus dimiserat: brevi verò, lactis asinini usu, mens sana in corpore sano rediit.

Liceat jam paululum hac in historia quædam animadversione digna notare.



notare. Post tres primos igitur morbi dies urina nihil unquam deposuit, sed in pallidum colorem est mutata; quod apud authores mali esse ominis, & vel delirium, vel nervorum distentiones, vel utrumque portendere perhibetur: quare ut his symptomatis commodiùs occurrerem, castoreum cum cardiacis moderatis temporiùs exhibui; etenim in hoc casu medici est venienti occurrere morbo: quisquis enim remedium haud priùs adhibet quàm ægrotum invaserit malum, is à medicamento, plusquam debet, exigere videtur, & rarissimè curandi scopum attingit; id enim omnibus, in praxi licèt mediocriter versatis, innotescit, laudanum mediocri dosi datum, si duas vel tres horas ante decubitum sumatur, & meliùs & faciliùs somnum conciliare, quàm ejusdem duplicem portionem seriùs adhibitam. Par igitur omnino videtur esse ratio in cujusvis alius remedii exhibitione, quoties graviore

alicui symptomati occurrendum est; neque medentis solertia in re ulla magis quàm in prudenti hac atque opportuna medicamentorum applicatione clariùs elucescit; & si, quod verum est, fateri volumus, id ferè unicuique Medicum experientissimum ab Empirico, Artificem ab Inscio distinguit; hic enim semper, ille nunquam, satis cum iudicio medicinam adhibet.

Porro sudores per totum morbi decursum liberè parum promanarunt, neque unquam per omnia membra simul diffusi sunt; ab ulcusculis autem in cute à vesicantibus excitatis humores per plures dies ita ubertim effluxerunt, ut astantibus timorem injicerent, ne cubantis vim vitalem consumerent: natura enim, hac præcipuè viâ crisin moliens, atrocissimam hanc febrem ad exitum tandem perduxit.



## Historia Quinta.

**D**Ominus *Gwyn*, vir sexagenarius, in Ascitem incidit; venter, totumque abdomen, in magnam molem excreverat; crura pedesque foveas tardius rursus impletas habuerunt; impressi digiti vestigia; vehemens aderat fitis, urina perpauca; carnes musculosæ plurimum absumptæ, ut non minus tabidus simul ac hydropicus videretur. Medicamentis hydragogis, eisque sæpius repetitis, aliorum consilio usus fuerat; unde virium robur plurimum, ventris autem tumor parum aut nihil minuebatur: ne itaque effusiore inanitione vires offenderem, per purgantia mitiora paulatim aquas educere conabar; quare vinum hydropicum, Pharmacopœâ Bateanâ descriptum, dedi, eâ mensurâ eoque intervallo, quæ utrique indicationi, & virium

virium sustentationi & aquarum evacuationi, maximè satisfacere visa est. Hujus autem usu haud multùm diu perstitit; quod licèt & per urinas & per alvum humores commodè satis educeret, nihilominus parum detumuit venter: quare *paracenteseos* administrationem proposui; cui æger, cùm ei persuasissimum esset rem extra omnem purgantium medicamentorum opem positam esse, libenter assensit. Ineunte igitur Maio, anno 1730. puncto abdomine instrumento chirurgico huic operationi destinato, *Troisquart* vulgo dicto, viginti duæ libræ, uti memini, serosi humoris sunt emissæ, ex quo tempore sexies intra totidem menses è ventre ductæ sunt aquæ. Objiciet jam forsitan aliquis huic medendi methodo, utpote quæ miseram protrahit vitam: is autem, quisquis est, secum reputet quanti sæpenumero sit momenti per paucos solummodo dies, multo magis menses, alicui vitam produ-

E 2

cere;



cere ; neque ea fanè contemnenda est ars, quæ homini moribundo anteactam vitam recolendi longius exhibet spatium.

Nihil profectò singulare in se hæc habet historia, quod in nosocomiis non sæpius occurrit: sed hîc loci non omittendum duxi ; ideo quòd frequentiore antiquæ hujus medicinæ usum commendandi mihi ansam dederit ; neque fanè in hoc morbo, quoties à vasis lymphaticis lacteisque disruptis oritur, ulla alia ægrum sublevandi est via ; quamobrem nequeo non mirari eam, superiore sæculo, ita penitus fuisse neglectam, ut *Willisius* noster dicat ἐγχείρησιν hanc, utpote periculosa, Medicos rarò præscribere ; his verò sæpissimè inconsultis, Agyrtas ac Empiricos eam temere ac infauستè aggredi. Cùm tamen liquet Veteres plerosque omnes hanc abdominis perforationem sæpius, nec infeliciter, exercuisse ; Cetrusque præcipuè, libro septimo, quomodo aqua hydro-

hydropicis emittatur latiùs explicu-  
it. Ea tamen nostris hominibus de-  
betur laus, quòd ab iis hæc Antiquo-  
rum praxis multùm provehatur; ve-  
teres enim Medici, aquam in hydro-  
pici paulatim emittendo, plures con-  
tereabant dies, idque eo consilio ne  
ægrotum, si semel & simul educere-  
tur universa, invaderet syncope: ho-  
die verò omnis aquarum illuvies uni-  
câ vice abdomine tutò exhauritur,  
resque ita geritur, ventrem in ope-  
ratione manibus comprimendo, post-  
eaque partes, inductâ fasciâ, constri-  
gendo donec tonum recuperaverint,  
ut jam rariusculè deliquium animi  
patiantur ægri.

Sed, ut ad ægroti historiam rever-  
tar; posterioribus diebus fitis eum  
multo minùs afflixit, & copiosius a-  
liquantulum minxit; ita ut aquæ,  
quæ priùs quadragesimâ quaque die,  
aut citius, fuerant emissæ, postremis  
quinque mensibus bis solummodo e-  
ducerentur: tandem humores mor-  
bifici



bifici sibi viam in ventriculum aperuerunt, ita ut viginti quatuor horarum spatio, quantum conjecturâ assequi potuerim, totidem aquæ libras vomitione rejiceret, & quod animadversione dignum, profusior hæc inanitio, cum minùs deberet expectari; prægressâ enim septimanâ *paracente-sin* subierat ægrotus. Quantacunque igitur lympharum moles sit, quæ ex aqualiculo perforato extrahitur, dehiñc tamen mihi constare videtur haud exiguam earundem portionem intus adhuc esse relictam, quâ viscera, magis magisque indies corrupta, vitium tandem inemendabile contrahunt; ægro-tanti enim huic vires satis erant validdæ, donec in vomitionem incideret, unde supremum obiit diem; abdominis perforationem octies intra anni spatium, multo cum sui levamine, passus.

## Historia Sexta.

**D**IE vicefimo tertio Octobris, anno 1729. rogatu Domini *Whitley*, qui cohorti tunc temporis Eboraci hybernanti præfuit, militem Febre decumbentem invifi. Sub initio morbi Dominus *Bruce* chirurgus turmæ ftipendiarius, qui valetudinis curam habuit, leni vomitione & veficatorio nuchæ admoto ægrotum levare moliebatur: ego nono demum morbi die accessi, cùm eum pulsu debili, fingultu, tendinum subsultu, linguâ nigrâ & aridâ laborantem invenî; urinæ erant tenues, nec quicquam per totum morbi decurfum depofuerant; lecti fimbrias diduxit, floccosque vellicabat, nihil omnino intellexit: quare cùm mors jam in præcipiti effe videretur, veficatoria quatuor brachiis internis & fupra pulfus ftatim admovenda, & medicinam

ex



ex lapide contrayervæ, castoreo, & croco confectam, fumendam præcepi; & ut sanguinis æstus aquâ hordei & fero lactis canarino, affatim sumptis, temperaret, in mandatis dedi.

Vicesimo quarto mane, ad mentem rediit; sed intra paucas horas rursus desipuit: quare cum jam vesicatoria optatissimè respondissent, altera duo cruribus internis adhibui, & aliquot guttas spiritûs cornu cervi per se temporibus intermediis exhiberi jussi; sub noctem sudor copiosus per omnia membra incœpit emergere, ad se rediit, placidèque noctem peregit. Hoc, & sequenti biduo, præscriptis perstitit.

Vicesimo quinto, meliusculè se habuit; plurimum deferbuit febris, pulsusque magis ad normam est compositus: vesperi tamen febris denuo exarsit; nox infomnis, multa cum corporis jactatione; aliquando & intra verba desipuit.

Vice-

Vicesimo sexto mane, alvum multo cum levamine deposuit, inclinâtâ quidem febre, sed adhuc tamen in-hærente: noctu quies satis commoda, ita ut,

Vicesimo septimo, in melius mutata fuerint omnia; febris mirum in modum tenuata, pulsus & ictu valentior & intervallis distinctior, lingua humida, sitis ferè nulla; in urina verò neque adhuc quidem aliquid omnino subsedit: medicamenta eadem, sed rarius aliquantulum adhibita.

Vicesimo octavo noctu, somni breves atque perturbati, aliquando & intercessit delirium; manè pulsus magis ad temperiem compositus, sed neque adhuc in urina aliquid coctum apparuit, neque febris integrum corpus dimisit.

Vicesimo nono vesperi, paululum incaluit, is autem corporis fervor intra horulam discessit; nox satis quieta, febrisque manè ex toto conqui-  
F evit:



evit: ita quinto supra decimum morbi die ad sanitatem tandem pervenit.

## Historia Septima.

**A** Utumno 1730, Eboraci epidemicè grassari cœperunt Variolæ, quæ ad medium hyemis durabant: quo tempore, rigidissimo gelu cum multa nive superveniente, prorsus delituerunt, aut saltem rarissimè comparuerunt; vere autem ineunte, denuo recrudescebant, interque alios quamplurimos dominam *Pallister*, tredecim annorum virginem, corripuerunt: Huic quidem confertim eruperant variolæ, non in facie modò, sed & toto etiam corpore; paucissimis tamen in locis coalescebant. Summâ diligentiam ægrota curavit *Gulielmus Dobson* pharmacopola; qui, quoniam multa sub initio de capite, dorso, & ventriculo quæsta est, lene emeticum exhibuit.

Ego,

Ego, sexto eruptionis die vesperi accersitus, mente alienatam inveni, & quod hoc morbi tempore in delirantibus haud vulgare est, febre vacantem. Pustulæ, quæ licèt erant confertissimæ, non omnino tamen elevatæ, earumque interstitia ubique pallida; admotum itaque nuchæ vesicatorium; noctem ferè insomnem peregit.

Septimo manè, omnia eadem; vesicatorium quippe parum profecerat. In hoc igitur rerum statu sic præscripsi:

℞ *Lap. Contrayerv. Theriac. Androm.  
ana ʒss. Pulv. Croc. Anglican. gr.  
iiij. Syrup. Cariophyllor. q. s. m.  
f. Bolus, sextâ quaque horâ sumend.  
cum Julap. perlat. ad tres vices.*

Horâ somni sumpsit haustum sequentem:

℞ *Aq. Ceras. nig. ʒvj. Syrup. è succo  
Limon. ʒij. Laud. liquid. gutt. viij.  
m. f. Haustus.*



Octavo, facies manusque tumidiores, pustulæ elevatiores & ubique pure intumescentes, pulsus & ictu valentior & intervallis distinctior; ita ut omnia jam præter spem bene cedere viderentur.

Controversum quidem esse video apud superioris sæculi scriptores, calidumne regimen, an frigidum, varicolarum curationi meliùs adhibeatur. Inter prioris opinionis fautores fuit *Richardus Mortonus*: inter posterioris *Thomas Sydenhamus*; uterque sui temporis Medicus exercitatissimus, uterque celeberrimus: uter verò duorum hac in re rectiùs sentiret, ex eorum scriptis facilè est dijudicare; quicumque enim morbus inflammatione urgetur, uti illius est, de quo jam agitur, natura, si quis eum alexipharmicis, cardiacis generosioribus, cæterisque id genus medicamentis curare satagit, is idem facit ac si flammam oleo paret extinguere: è contra verò haud ita penitus contra hunc mor-

morbum frigidis materiis niti debemus, quasi nunquam omnino fervidioribus esset utendum; est enim ubi alexipharmaca in hoc morbo mira præstant, viz. cum propter pulsus debilitatem, diminutum sanguinis fervorem, pallidior fit cutis, pustulæque lentè admodum aut difficulter erumpunt. In hoc rei statu antiquissimus de variolis scriptor *Razes*, alexipharmacorum usum laudat; a si namque, inquit, pestilentia, id est, variolarum causam tardiùs in extimam cutem excerni videris, volestque tali vitio ea, quæ nimium calorem restinguunt, admove, resistere naturæ & actionem ipsius impedire spectaberis.

Sed redeundum nobis ad ægrotæ historiam est.

Nono, & decimo, sputatio libera & copiosa; quare magnæ potiones sunt imperatæ: & quo meliùs virium sustentationi sub effusa hac evacua-

*Razes de pestilentia, cap. 7.*

tione



tione prospiceretur, julapium ex cardiis mitioribus debitis intervallis est exhibitum.

Undecimo, multa de ardore oris & gutturis querela; itaque gargarismate refrigerante usa est, & guttæ aliquot laudani haustui nocturno sunt additæ: pustulæ tamen parte faciei infimâ exaruerunt.

Duodecimo & sequenti biduo, nulla rerum mutatio; nisi quòd pustulæ, maturitatem adeptæ suam, ubique siccessere cœperunt.

Decimo octavo, potio, quæ leniter purgavit, adhibita, intraque triduum ad duas alias vices iterata integram sanitatem restituit. Hac in historia observatione dignum, ea ipsa symptomata, quæ, si diutius paulo essent immorata, ægrotam in summum vitæ discrimen adduxissent, per calidiorē paulo medicinam opportunè adhibitam, ita penitus fuisse debellata, ut posterioribus diebus nihil amplius inci-

incideret, quod vel medenti molestiam, vel ægrotanti periculum crearet.

## Historia Octava.

**M**ense Junii, 1731. Dominus *Bradley*, pharmacopola, me de virgine quadam confultuit, quæ, immodicam colocynthidis quantitatem cerevisiâ infusam sumendo, sanguinem tum per alvum tum per vaginam cum dolore & torminibus ita crebrò & copiosè effudit, ut nulla penè vitæ superesset spes; clysterem itaque astringentem, qui vaporum oscula occludendo ulteriorem cruoris & humorum in ductus intestinales profusionem fisteret, adhibui: formula verò fuit hujusmodi.

℞ *Flor. Ros. rubr. Balaust. ana ℥ss.*  
*Cortic. Granator. Cor. Cer. calcinat.*  
*ana ℥j. Coq. s. q. aq. font. ad ℥xij.*  
*Colaturæ adde Bol. Armen. Theriac.*  
*Androm.*



*Androm. ana ʒij. m. & injiciantur  
ʒiv. pro enemate, & repetantur pro  
re nata.*

Intestinorum etiam spasmos cum emulsiōe Arabica, cui uncia duæ syrupi de meconio adjiciebantur, sedavi; neque alia est medicina, quantum mihi videtur, qua colocynthidis asperitas melius corrigi potest: gummi enim Arabicum salium cathartico-  
rum spiculas ita obtundit, ut nullam amplius vim intestina vel incidendi vel corradendi possint exercere; præterea, vulnera jam inflicta, emplastri more, tegit simul & conglutinat. Tales saltem in hoc casu gummi illud habuit effectus: ægra enim simplici hac curandi methodo brevi convaluit.

Historia

## Historia Nona.

**R** Arrior est affectus quem famulo honorabilis viri *Thomæ Scawen* intulit Diarrhœa: illum quidem ventris fluor ita exercuit, ut quadragies intra quatuor horas desideret; hinc crura manusque corripuerunt spasmī intolerabiles, ter quaterve horâ redeuntes, qui decumbentis vires adeò debilitârant, ut eum tanquam morientem conservi relinquerent. Ægrotantem igitur, cū tenuioris esset corporis habitus, qui ægre ullam, multo minùs effusio-rem, patitur inanitionem, medicamentis, quæ contractiones prævenirent, fluentemque alvum comprimerent, sublevare sætegi; bolum itaque sequentem, ex julapio restringente, sumpsit, & vesperi repetiit:

℞ *Spec. Confec. Fracastor. Pulv. è ch.  
Cancr. comp. ana gr. x. Castor. Rus-  
G sens.*



*sens. gr. iiij. Syrup. Cariophyllor.*  
*q. s. m. f. Bolus.*

Pro potu, decocto albo cui parum aquæ cinnamomi tenuis adjiciebatur; pro victu, pulli juscule in quo rasura cornu cervi coquebatur, libere usus est: ita nullo penè labore morbum, qui astantibus terrorem, ægroto mortis periculum injecerat, paucis horis sustuli. Neque sane aliquid est, quod tyronum animis magis inculcari debet, quàm ut medicina quàm maximè simplice utantur; compositior enim præscribendi formula empiricorum est refugium, qui nec morbi rationem nec certam aliquam medendi methodum satis exploratam habentes, omnem ferè materiam medicam percurrunt, haud ignari scilicet pluribus esse aggrediendum viis, ne una fortè minùs succedat: prudens autem medicinæ facilè despiciet quæ vera sit morbi indicatio, & qualis potissimùm adhiberi debeat medendi ratio.

# Historia Decima.

**U**Xor Domini *Clark*, triginta annos nata, in paroxysmum nephriticum incidit; cui sub initio, ne à dolore, qui tum fuit acerbissimus, inflammatio suboriretur, sanguinem mitti, & enema terebinthinatum, quod alvi fæces educeret & urinas eliceret, injici curavi. Rejeto enemate, sequentem potionem fumendam præcepi;

℞ *Elix. Salut.* ℥ij℥. *Syrup. de Spina Cervina* ℥℥. *m. f. Potio.*

Hac autem per vomitum statim rejectâ, ut ventriculi commotionem & doloris impetum aliquantulum compescerem, grana septem pillulæ Matthæi sunt adhibita, intraque quatuor horas, dolore adhuc permanente, repetita.



Ex variis quidem laudani compositionibus hæc mihi unica videtur, quæ in hujusmodi affectibus plurimum potest prodesse; cæteræ enim omnes doloris sensum solummodo pro tempore leniunt; hæc autem, cum magnam saponis tartarei in se portionem habeat, urinas movet, ejusque itinera lubricat, quæ res in hoc morbo maximè indicantur.

Hæc igitur pillula bis deglutita tum dolorem tum vomitionem sustulit: quare ut lapidis expulsionem, qui jam per duos dies ureteri fixius insecderat, ulterius promoverem, ita præscripsi:

*℞ Mercur. dulc. Pilul. Coch. min. Extract. rud. ana ʒss. Ol. Anis. gutt. iij. Syrup. de Spin. Cervin. q. J. m. f. Pillul. statim sumend.*

Hinc tamen ne semel quidem solutus est venter. Urinæ parum & difficulter ab initio reddidit ægrota; quare cum vesperi vehementer rediit dolor,

balneum aquæ tepidæ ingressa est, & sequentem haustum sumpsit:

℞ *Ol. Amygdal. dulc.* ℥ij. *Syrup. è succo Limon.* ℥ss. *Syrup. de Althæa* ℥iij.  
m. f. *Haustus.*

Hinc plurimum remisit dolor, & quinquies largiter fusa est alvus; ita ut pillulæ purgantes, quæ prius non omnino responderant, jam fibris cuticularibus laxatis & visceribus emol-litis, officium suum optimè præstiterint.

Jam per aliquot horas fatis com-moda quietis intervalla habuit ægro-ta; vesperi tamen, cùm recrudesce-ret dolor, sese in aquam calidam rur-sus demisit, quæ doloris vehementiam sopivit: quoniam verò calculus jam per quatuor dies integros ureteri esset immoratus, si quid auxilii in gravis-simo hoc casu possem afferre ab ali-qua medicina quæ urinas potentiùs cieret, experiri decrevi; sic itaque præscripsi:

℞ *Tinctur.*



℞ *Tinctur. Cantharid.* ℥ss. *Cap. gutt.*  
xx. *ter in die ex haustu Apozematis*  
*sequentis.*

℞ *Decoct. pro Syrup. de Althæa* ℔jss.  
*Vin. alb. Lisbonens.* *Syrup. è succo*  
*Limon. ana* ℥ij. *m. f. Apozema di-*  
*ureticum.*

His itaque guttulis bis sumptis, tum lotium tum menses copiosè profluxerunt, & unà cum his lapis, qui tamdiu urinæ itineri inhæserat, sensim in vesicam delapsus est: ita quinto demum die ex toto conquievit dolor.

Non dubito fore plerosque, qui hanc medicinam temere nimis & nullo penè consilio adhibitam esse existiment; sed cùm cætera omnia parum adhuc juvissent, magnumque periculum esset ne lethalis inflammatio suboriretur, dum decumbentis vires satis essent validæ, remedium paulo asperius, & ex quo nonnihil incommodi nasci posset, tentare malui, quàm morbo confici ægrotam pati.

<sup>a</sup> Poculum hydropi Hippocraticum ex cantharidibus confectum omnibus innotescit: hac tamen cautione illud præcipit divinus ille medicæ artis magister; nempe ut jejunos bibat æger, & panes calidos ex oleo vel pinguedine edat.

<sup>b</sup> Galeni scriptis de usu interno cantharidum multa passim leguntur, quas ad urinas movendas, si aptè fuerint mixtæ, plurimum commendat; & mirandum sanè est tum præsentitum superiori sæculo hanc medicinam medentium præscriptis ita rarò inveniri, cùm plerisque in casibus vix alia sit efficacior: id verò sæpius accidere solet, quòd optima medicamenta Empiricorum ignorantia perperam adhibita, experientissimorum Medicorum commendatione ac judicio in praxin ægriùs adducantur.

<sup>a</sup> *Hip. de Victus Ratione, lib. 3. f. 1. 143.*  
C. 13.

<sup>b</sup> *De simp. Med. Facul. lib. 3. c. 23.*



## Historia Undecima.

**F**ilia Domini *Langdale de Cliff*, perantiquæ familiæ in agro Eboracensi viri, decimum ætatis annum agens Variolarum signa persensit: illa quidem per biduum de dolore capitis & dorsi, aliquando etiam & nausæâ, vehementer quæsta est. Sub initio morbi vomitorium adhibuit pharmacopola, quod ventriculi ægritudinem levavit: Decimo quinto Januarii die, qui morbi erat tertius, jussi ut, incisâ venâ, ad decem uncias traheretur sanguis. Vesperi pustulæ aliquot circum tempora apparuerunt, quæ deinde faciem, pectus, & artus, undique occupabant, ubique coalescentes, & aliquibus in locis confluentes.

Illo & sequenti die cardiaca mitiora sumpfit.

Decimo septimo, cùm vigiliæ urgerent, pustulæque parum eminerent, nuchæ vesicatorium apposui, & sequenti usa est julapio;

*R. Aq. Lact. Alexiter. Ceras. nig. Cinnamonom. ten. ana ℥iij. Aq. Epidem. Pæon. comp. ana 3vj. Syrup. de Mecon. ℥j. Pulv. Gascon. Lap. Contrayerv. ana ʒij. m. f. Julapium cujus capiat cochlearia iiij sextâ quaque horâ.*

Singulis etiam noctibus haustum somniferum sumebat, qui fuit hujusmodi;

*℞ Aq. Ceras. nig. ℥j. Diacod. 3ij. Laud. liquid. gutt. vj. Tinctur. Croc. 3j. m. f. Haustus.*

Hinc,

Decimo octavo, pustulæ in facie elevatiores, & aliquæ, perbreves licèt, somni induciæ.

Decimo nono, quæ sputa viscidiora tenuarent, & copiosius elicerent, adhibita, & utrisque brachiis admota

H

vesica-



vesicatoria; pustulæ quippe in trunco corporis & artubus depressiores, & periculum erat ne variolosa materia in sanguine delitescens acutissimam febrem accenderet, ni arte citius excuteretur: quare vicefimo, medicinam paulo calidiorē, ex contrayerva, theriaca Andromachi, & croco confectam, cum julapio, præcepi.

Vicefimo primo, pridie præscriptis perstitit: hinc,

Pustulæ in corpore atque cruribus ubique sese extulerunt, &, pro more morbi, progressæ pure probè cocto turgescabant; ita ut per triduum nihil nisi linctu (quippe de gutture querebatur) haustuque somnifero, ad auctâ paululum laudani dose, uteretur.

Vicefimo quinto, cùm à morbi invasionē semel solummodo alvum deposuerat, enematis ope solutus est venter, unde duæ, multo cum levamine, infecutæ sunt dejectiones: postea, purgantibus

gantibus adhibitis & per debita intervalla iteratis, ægrota ad integram valetudinem pervenit.

Haud ita tamen fœliciter cessit res cum domino *Hodgson de Pickering*, octodecim annorum adolescentulo : illum quidem vulgaria Variolarum symptomata corripuerunt; præ cæteris autem dolor dorsi fuit vehementissimus. Tertio ab invasione morbi die ingenti multitudine eruperunt variolæ ; pridie invaserat delirium, quod non nisi post triduum remisit : ego sexto ad eum accersitus die, inveni pustulas, non in facie tantum, sed collo, pectore, & corpore universo, confertissimas ; cutis erat admodum inflammata, qui quidem rubor ab authoribus malas inter notas haud perperam ponitur. Quæ sanguinem diluerent, simul & temperarent, unâ cum cardiacis mitioribus ad sustentandas vires imperata : sputatio cæteraque ad undecimum diem, si *Sydenhami* computum sequamur, bene processerunt,



cefferunt, nisi quòd pedum pustulæ  
 haud satis se attollerent. Eo die mo-  
 lestè admodum se habere cœpit, in-  
 somnis & inquietus, nonnunquam &  
 aliena locutus est: quare nuchæ ap-  
 positum est vesicatorium, haustusque  
 somniferus, quem priùs sumpserat,  
 temporius est adhibitus, aliquantulum  
 etiam & adauctus; quies tamen om-  
 nino nulla neque somnus infecutus est.

Duodecimo, pulsus fuit æqualis,  
 sed debilis; sputa satis adhuc copio-  
 sa; ad somnum verò tanta erat pro-  
 clivitas, ut comate tentari videretur;  
 quæ quidem dormiendi necessitas in-  
 telligentium omnium iudicio pessimè  
 prælagire putatur; itaque utrisque  
 brachiis vesicantia, & bolus alexiphar-  
 macus cum julapio sunt adhibita:  
 nox tamen inquieta; aliquando etiam  
 & intra verba desipuit: vesicantia  
 manè optimè responderant.

Decimo tertio, insomnis adhuc &  
 delirus perstitit: ex opiatis utilitas  
 omnino nulla. Præceptum est enema;  
 verùm

verùm dum conficiebatur, alyus bis sponte suâ descendit: inde tamen ne minimum quidem cerebri levamen.

Decimo quarto, omnia in pejus ruebant. In his igitur desperatis ægroti rebus periclitari volui, si quid auxilii à sanguinis missione vel per cucurbitulas, vel per venæ jugularis sectionem, afferri potuisset: defuerunt autem in eo oppido cucurbitulæ, venæque jugulares ita aciem fugerunt, ut eas pertundere haud auderet pharmacopola. Sed in hujusmodi casibus vix ulla medicina periculo subtrahit: quare cùm nulla vitæ spes esset relicta, mihiq; maximè foret incommodum diutius rure morari, eo ipso die discessi, & postridie novissimum vitæ diem clausit ægrotus.

Haud leve sine dubio fuit infortunium venam non statim ab initio aperiri; præsertim cùm ægrotus ætate floreret, & sanguine abundaret: veri enim simillimum esse videtur delirium, ardorem, vigilias, inquietudines,



nes, cæteraque symptomata declinatione morbi nascentia, ab hac causa ortum duxisse. Ita enim res est, in variolis confluentibus plures in facie sunt pustulæ, quàm in alia quavis corporis parte ejusdem magnitudinis: hæ itaque pustulæ intumescentes, & cutem distendentes, vasa ita comprimunt, ut cursus sanguinis in exteriori capitis parte impeditior fit; necesse est igitur ut versus cerebrum fluat: utræque enim arteriæ, tum quæ ad extimam, tum quæ ad intimam capitis partem ducunt, ex trunco *carotidis* nascuntur; quare sanguinis introitu in vascula, quæ ubique per faciem disperguntur, præcluso, majore impetu ruit in cerebrum cruor, & obstructions facit: Exemplis rem illustrabo. In paroxysmo nephritico,<sup>a</sup> altero rene obturato, in *arteriam emulgentem* alterius sæpissimè fluit san-

<sup>a</sup> *Vid. Riverii Observationes, Historia prima.*

guis, & urinæ suppressionem infert: pari ratione in *capitis erysipelate delirium, coma, nervorum distensiones* frequenter oboriuntur, quæ non nisi per profusam sanguinis missionem, & purgantia medicamenta, possunt tolli. Hinc etiam facilè explicare licet, quamobrem variolæ in facie confluentes, at in cæteris corporis partibus distinctæ, periculosiores sint quàm cùm in vultu minùs coeunt, sed in aliis locis usquequaque confluunt: ex hoc denique venarum & arteriarum, tum intra tum extra cerebrum, commercio fit, ut variolæ, per quas facies subitò in ingentem molem attollitur, infœlices plerumque habeant exitus.

**F I N I S.**



BOOKS printed for *JOHN CLARKE*  
under the *Royal-Exchange, Cornhill.*

1. **R** Ufi Ephesii, de Veficæ Renumque Mor-  
bis.

— de purgantibus Medicamentis.

— de Partibus Corporis Humani.

Nunc iterum Typis mandavit Gulielmus Clinch  
M. D. qui & Dissertationem de Auctore ejusque  
Scriptis, unâ cum Commentariolo de usu idoneo  
Vesicantium in Morbis curandis, adjecit.

2. G. Clinch de tuenda Valetudine Liber. 8vo.

3. Dr. Turner's Art of Surgery, 2 vols. 4th  
Edit. 8vo.

4. — Discourse concerning Fevers, 2d Edit.  
8vo.

5. — Syphilis, a Dissertation on the Venereal  
Disease, 4th Edit. 8vo.

6. — Treatise of the Diseases of the Skin,  
4th Edit. 8vo.

7. — Discourse concerning Gleets, their Cause  
and Cure. 8vo.

8. — Of the Mother's Imagination upon the  
Foetus. 8vo.

9. — Edit. of Hutten of the Venereal Disease.

10. — Modern Quack, or Medicinal Impostor.

11. Dr. Cockburn, of the Nature, Cause, and  
Cure of Fluxes.

12. Dr. Keill's Anatomy, 12mo. 8th Edit.

13. Complete Treatise of the Diseases of the  
Liver.

14. Pharmacopœia Londinensis. 12mo.

15. Dr. Towne's, Diseases of the West Indies.

16. Miscellanea Curiosa, 3d Edit. by William  
Derham D. D.

17. Dr. Astruc's Guinea Man's Vade Mecum.

18. Dr. Boerhaave, of the Venereal Disease.

19. Dr. Wainwright, of the Non-Naturals.

Historia	Pagina
Calculus Renum cum } 17	
Ischuria lethalis } 51	
Renis & Uteris } 51	
Eductus	
Diarrhoea infrequentibus } 49	
Crurum Mannuumq; Spasmi } 49	
Sanata	25
Febres continua sanata	39
Haemorrhagia Intestinalium } 47	
Uterina ab Spumta Polocya } 47	
Sanata	
Hydrops Ascitis lethalis	34
Spasmi insanabiles	11
Timores Communium manuum } 22	
Voluntatis Sanati	42
Variole	56









